



Sámi allaskuvla
Sámi University College

Arkivsak-dok. 18/00082-2 Arkivkode.
Saksbehandler Anne Merete Mikkelsdtr Sara

Saksgang Møtedato
Allaskuvlastivra 2015-2019

S-13/18

FÁGAVIRGIID VIRGÁIBIDJANORGÁNA MANDÁHTTA JA NAMMADEAPMI

Direktevrra mearrádusevttohus:

Sámi allaskuvlla stivra dohkkeha fágavirgiid virgáibidjan orgána mandáhta.

Mielddus:

-Evttohus fágavirggiid virgáibidjanorgána mandáhtii

Áššeovdanbuktin:

1. Duogáš:

Sámi allaskuvlla stivra mearridii 13.12.17 áššis 54/17 ásahit fágavirggiid virgáibidjanorgána (FVO).

“Sámi allaskuvlla stivra mearrida seammás ahte ásahuvvo sierra fágavirggiid virgáibidjanorgána mii goziha oahpahus- ja dutkanvirggiid

- 1. Fágabargi, gean Giela, duoji, boazodoalu ja servodatdiehtagiid goađi bargit válljejit*
- 2. Fágabargi, gean Sámi oahpaheaddjeoahpuid ja álgoálbmotjournalistihka goađi bargit válljejit*
- 3. Bargi gean fágasearvvit nammadit*
- 4. Giela, duoji, boazodoalu ja servodatdiehtagiid goađi jođiheaddji*
- 5. Sámi oahpaheaddjeoahpuid ja álgoálbmotjournalistihka goađi jođiheaddji*
- 6. Allaskuvladirektevra*

Virgáibidjanorgánii hábmejuvvo sierra mandáhtta man stivra mearrida njukčamánu 2018 stivračoahkkimis. Buot áirasiidda nammaduvvo persovnnalaš várrelahttu.”

2. Mandáhttaevttohus

Mandáhttaevttohussii lea ovddeš DOS mandáhtta leamaš vuodđun. Dasá lassin lea hálldahus dárkkistan ja heivehan mandáhtta gustovaš njuolggadusaid hárrái, mat leat stáhtabargiidlágas, ja universitehta- ja allaskuvlalága (ual).

Mandáhtta lea loktejuvvon DRŠ čoahkkimii 23.2.18 ráđđádallamii. Dat galgá vel ráđđádallojuvvot DRŠ čoahkkimis 2.3.18 go fágaservviin lei dárbu eanet ráhkkanit ráđđádallamii. Bohtosat ráđđádallamis ovdanbuktojit stivračoahkkimis. Manjil čoahkkima 23.2.18 lea bargoaddi čohkken mearkkašumiid ja divui evttohusa.

3. Mearkkašumit čuoggáide mandáhttaevttohusas

Mearkkašumit čuokkis 1:

FVO ásahuvvo universitehta- ja allaskuvlalága § 6-3 vuodul. Áššit maid sáhtta loktet dán orgánii čuvvot hálldášánlága njuolggadusaid, ja muhtin oktavuodain vel váidalanjuolggadusaid. Čuokkis čielggada ahte FVO lea sierra hálldahuslaš orgána. Dat mearkkaša ahte FVO meannuda áššiid vuosttašinstánsan. Jus mearrádus váidaluvvo de lea allaskuvlastivra váiddaorgána. Stivra sáhtta bajimus orgánan obbalaš dásis bidjat vuordamušaid orgánii, muhto ii sáhte konkrehta eankiláššiin stivret mot FVO galgá daid meannudit.

Mearkkašumi čuokkis 2:

Doabá "Dutkan- ja oahpahusvirggit" gokčá virggiid mat universitehta- ja allaskuvlálágas ovdanbohtet, geahčá e.e. § 6-3 (1). Dát lea definerejuvvon virgekodat mat stáhtaváldotariffašiehtadusaid olis gusket oahppo -ja dutkanvirggiide ("forsker og undervisningsstillinger").

Professor- ja doseanttavirggiid hárrái evttohuvvo ahte FVO:i ii oačču fápmudusa virgáibidjamiid oktavuodas. Dát váldi lea stivrras leamaš dán rádjái, iige dát evttohuvvo rievdaduvvot vaikko FVO:i sáhtášii dan addit. Áidna lea jus nammejähkii áigu virgáibidjat soapmasá professorin (dahje eará oahpahus dahje dutkanvirgái) almmuhusa haga ("kalling") universitehta- ja allaskuvlálága § 6-3 (4) vuodul. Dan lea dušše ovttajienalaš stivra mii sáhtta dahkat.

Mearkkašumi čuokkis 1.3:

Evttohuvvo ahte FVO doaibmá virgáibidjanorgánan maiddái eará virgekodaid hárrái main lea fágalaš sisdoallu čatnon oahpaheapmái- ja dutkamii. Dát guoskka maiddái Sámi lohanguovddáša fágalaš doaimmaide. Sámi allaskuvllas leat earret eará konsuleantta-, ráđđeaddi ja prošeaktavirgekodain dákkár virggehasat.

Mearkkašumi čuokkis 1.4:

Dán čuoggás čielggaduvvo ahte go láhka, láhkaásahus dahje Sámi allaskuvlla siskkálidas njuolggadusat addet "virgáibidjanorgánii" dihto válldi, de lea FVOii addon seammalagan válldi namuhuvvon virggiid hárrái mat ovdanbohtet čuoggáin 1.2 ja 1.3. Dát dahko vai ii galgga dárbbahit dárbbášmeahttumiid geardduhit mandáhtas, ja vai ii dárbbáš ođastit mandáhta jus ovdamearkka dihte njuolggadusat rivdet.

Stáhtabargiid lágas geavahuvvo tearbma virgáibidjanorgána (ansettelsesorganet), ja seamma dahkko maid universitehta- ja allaskuvlálágas kap. 6 ja 11. Omd. čuovvu stáhta bargiid lága § 30 ahte virgáibidjanorgána meannuda áššiid mat gusket eretcealkimii jna., ja dan čielggada maiddái ual. § 11-3. Eará ovdamearka lea Sámi allaskuvlla bargoveahkanjuolggadusain (personalreglement) lea biddjon virgáibidjanorgána mas lea válldi meannudit dihto virgelobiohcamiid, gč. § 22 nr. 8. Lea maid virgáibidjanorgána geas lea válldi guhkidit stipendiáhttaáigodaga láhkaásahusa "forskrift om ansettelsesvilkår for stillinger som postdoktor, stipendiat, vitenskapelig assistent og spesialistkandidat" § 2-3 vuodul.

Mearkkašumi čuokkis 1.5:

Oahppo- ja dutkanvirggiid virgáibidjama olis lea dakkár erenomášvuohta eará stáhtalaš virgáibidjanproseassaid ektui ahte áššedovdillávdegoddi (bedømmelseskomitè/ sakkyndig utvalg) galgá árvvoštallat ohcciid ovdalgo kandidáhtat árvaluvvojit virgáibidjamii (innstilling).

Dát nammadeamit lea leamašan oassin ovddeš DOS mandáhtas. Áššedovdillávdegoddi nammaduvvo juohke háve go almmuhuvvo oahpahus- dahje dutkanvirgi (ual. § 6-3 (3)), jus muhtin ohcá virgeloktema ("opprykk") (geahča Forskrift om ansettelse og opprykk i undervisnings eller forskningsstillinger § 2-2 (7) ja (8), § 2-3 (7), § 2-4 (4), ja § 2-5 (2)), dahje go almmuhuvvo stipendiáhttavirgi (Doavttergrádstipendiáhtaid njuolggadusat Sámi allaskuvllas čuokkis 3.2).

Sámi allaskuvllas meannuda hui dávjá dakkár ášši, ja beaktivuoda geažil evttohuvvo ahte dát váldi addo FVO:i, nu go ovdal lei DOS:s.

Mearkkašumit čuokkis 2.1:

Dát evttohus vuolgá stivraášši 53/17:s.

Fágasearvvit nammadit ovttasráđalaččat gii bargiidáirras galgá leat.

Goabbat goađis válljejit bargit gii sin ovddasta.

Mearkkašumit čuokkis 2.2:

Árvaluvvo ahte direktvra jođiha FVO, ja su várrelahttun lea oahppo- ja dutkanhoavda. Dán oktavuodas lea hálldahus geahččan earret eará Høgskolen i Østfold, Tromssa universitehta ja Oslo universitehta.

Mearkkašumit čuokkis 2.3:

Evttohuvvo ahte lagamus hoavda árvala guhte galgá virgáibidjot virgái mas FVO lea virgáibidjanorgánan. Dqlq bargoveahkanjuolggadusaid § 8-4 vuođul lea direktvra guhte árvala virgáibidjamii fágavirggiide.

Stáhta bargiidlága § 5(1) vuođul lea dábálaččat lagamus hoavda gii buktá árvalusa. Jus son lea ieš mielde virgáibidjanorgánas, de buktá son evttohusa § 5-1 (2). Ual. § 6-3 (5) vuođul leat sierra njuolggadusat mat gustojit universitehtaide ja allaskuvllaide, gos lea daddjon ahte lea stivra mii mearrida gii árvalusa buktá. Stivra sáhtta maid ráhkadit dan hárrái sierra njuolggadusaid.

Lea vejolaš ain joatkit nu ahte direktvra buktá árvalusa, muhto de gártá dat "evttohusan" virgáibidjamii. Dalle lea direktvra mielde goappašat osiin meannudeame ášši (sihke

árvalusas ja virgáibidjamis). De ii šatta guovtteosat sierranas meannudeapmi, nu mot lea vuodđoprinsihppa stáhta virggiid hárrái (to-trinns behandling).

Seamma ládje gártá maid jus bidjá ahte lea goahtejođiheaddji gii buktá árvalusa virgái. Vejolaš čoavddus livččii ahte bargiidhoavda buktá árvalusa virgái. Evttohuuvvo anhkke ahte lea vuohkkaseabbo ahte lagamus hoavda buktá virgáibidjanevttohusa. Son galgá dovdat virgedárbbu sisdoalu. Dasa lassin de ii leat lagamus hoavddas duppaljietna ja jođiheaddjirolla FVO:s. Čoavddus heive dasa lassin daningo virggit mat namuhuvvojit č. 1.3, eai leat oahpahus- ja dutkanvirggit, maiddá eai gusto universitehta- ja allaskuvlalága njuolggadusat kap. 6. Dakkár virggiide lea stáhtabargiidlága njuolggadusat mat mearridit, ja dan vuodul ii leat vejolaš sirdit earáide válddi árvalit virgáibidjama olis.

Evttohuuvvo ahte lea bargiidossodat mii ráhkkanahttá áššiid, doaibmá čállingoddin ja buktá mearrádusevttohusa orgánii.

Mearkkašumi čuokkis 2.4:

Evttohuuvvo ahte doaibmaáigodat lea guokte jagi. Dat geat välljejuvvojit/nammaduvvojit dán doibmii leat 2 jagi áirrasin. Dasto čadahuvvo ođđa válga buot välljejuvvon ja nammaduvvon láhttuid hárrái, ja ođđa áigodat álggahuvvo.

Jus muhtin heaitá áigodagas, de välljejuvvo/nammaduvvo čuokkis 2.3 vuodul muhtin sadjái áigodahkii.

Mearkkašumi čuokkis 3:

Čuokkis čilge mot FVO doaibma jienastemiid ektui ja mot čoahkkinbeavdegirji čállo. Áššiide maidda hálddašanláhka gusto, gusket maid sierra áššemeannudannjuolggadusat lassin dasa mii dás namuhuvvo.

Mearkkašumi čuokkis 4:

Go čuokkis 1.1 vuodul dadjo ahte FVO lea sierra hálddašanorgána, de mielddisbuktá dat ahte allaskuvlastivra doaibmá váiddaorgánan. Dán orgánas dahkkojit maid mearrádusat maid ii sáhte váidit hálddašanlága njuolggadusaid bokte, e.e. virgáibidjanáššiid (hálddašanlága § 3), ja virgelobi addin muhtin áššiin.

Ual. § 11-3 vuodul leat sierra njuolggadusat váidagiidda mat leat namuhuvvon stáhtabargiidlága § 33 (eretcealkimat jna), ja doppe lea allaskuvlastivra váiddaorgánan virgáibidjanorgánii.

